

ՆԱՎԵԼՈՒՄ ԱՌԱՔԵԼ ԴԱՎՐԻԺԵՑՈՒ ԿԵՆՍԱԳՐԱԿԱՆԻՆ

Նայ դասական պարմագրության վերջին նշանավոր ներկայացուցիչն է Առաքել Դավրիժեցին, որի կյանքն ու գործունեությունն իր ժողովրդի լուսավորությանը, գիտական ու մշակութային զարգացմանը, նրա ինքնաճանաչողության ու ազգային ինքնագիտակցության բարձրացման գործին անմնացորդ ծառայելու մի փայլուն օրինակ է:

Գնահատելով Դավրիժեցու մեծությունն ու պարմության ընթացքը եւ այն թելադրողներին հասկանալու, ճանաչելու Դավրիժեցու կարողությունը՝ Լ. Բաբայանը համեմատություն է անցկացնում Դավրիժեցու եւ մյուս պարմիչների միջեւ. «Ինչպես Եղիշեն ու Փարպեցին էին իրենց ժամանակին հասկացել Շապուհի՝ հայերի նկարմամբ վարած քաղաքականության հեղապնդած նպատակները, ինչպես Մեբեոսն ու Ղեւոնդն էին հասկացել բյուզանդական կայսր Մորիկի՝ հայերի նկարմամբ վարած քաղաքականության էությունը, այնպես էլ Առաքել Դավրիժեցին էր խոսքը կերպով ըմբռնել Շահ Աբաս Ա-ի հեղապնդած նպատակները, նրա՝ հայերի նկարմամբ վարած քաղաքականության կործանարարհետեւանքները Նայաստանի ու հայերի ճակատագրի համար»¹:

Նայ Եկեղեցու պարմության եւ հայ մարենագրության մեջ քիչ բան է հայրնի Առաքել Դավրիժեցու կյանքի ու գործունեության մասին: Ժամանակի մի քանի կցկտոր տեղեկությունների եւ նրա իսկ հիշատակարանի մի քանի մանրամասնությունների ուշադիր ընթերցումից հնարավոր է թերեւս ուրվագծել նրա կյանքի անցած ուղին:

Առաքել Դավրիժեցին ծնվել է Արրապատականի Թավրիզ քաղաքում, որը կոչվում էր նաեւ Դավրեժ, որից էլ՝ Դավրիժեցի մականունը. «...գոյով տեղեւա ի քաղաքէն Թավրիզու...»²:

Նայրնի չէ պարմիչի ծննդյան ստույգ թվականը, սակայն բոլոր հետազոտողներն էլ համաձայնում են, որ այն XVI դարի վերջին տասնամյակն է³: Մենք եւս հակված ենք ընդունելու եւ պաշտպանելու այդ տեսակետը՝ կովան ունենալով երկու փաստարկ: Նախ՝ արձանագրված է Դավրիժեցու մահվան թվականը՝ 1670, ինչի մասին վկայում է Էջմիածնի միաբանական գերեզմանատան նրա տապանաքարի արձանագրությունը. «Պարմագիրն այս է տապան Առաքել վարդապետի ՌՃԺԹ (=1670)»:

Երկրորդ՝ Դավրիժեցին «Պարմություն»-ը գրելու պարճառներից երրորդի մասին ասում է. «... եւ ես ինձէն իսկ տեսանելով զաւերս Նայաստան աշխարհին եւ զկուսակիւն մերոյս ազգին եւ զգարութիւն մահմետականաց, կսկծալի մորմոքմամբ այրիւր սիրտ իմ, վասն որոյ յօժարեցայ յարձանագրութեան սոցին»⁴:

Առաջին տեղեկությունը Դավրիժեցու մահվան ստույգ թվականն է: Երկրորդն ավելի

1 Լ. Բաբայան, Դրվագներ Նայաստանի XVI-XVIII դարերի պարմագրության, Երևան, 1984, էջ 87:

2 Առաքել Դավրիժեցի, Գիրք պարմութեանց, աշխատասիրությամբ Լ. Ա. Խանյարյանի, Երևան, 1990, էջ 501:

3 Տե՛ս Մ. Արևիկյան, Երկեր, հ. Դ, Երևան, 1970, էջ 513:

4 Առաքել Դավրիժեցի, էջ 501:

անուղղակի Կրեդիտություն է՝ հեղինակի իսկ կողմից հաղորդված, որից կարող ենք հետևել, որ Դավրիժեցին պարմության առաջին գլուխներում նկարագրված 1603-1609 թթ. ջարդերի, բռնագաղթի ու դրան հետևած կրոնական հալածանքների ականապես է եղել:

Այսպես, երբ 1651 թ. Դավրիժեցին հանձն է առնում պարմությունը գրելու, նա իրավունք ուներ բողոքելու, որ «...դիպեցաւ պարահել ինձ այս գործ, ոչ ի ժամանակս առոյգ երիտասարդութեան, այլ յողորմելի ծերութեան, վասն զի ծեր էի»⁵:

Այս արքայապետությանը լրացնելու է գալիս մի այլ փաստ, որպէս Դավրիժեցին ցավով ու չափազանցությամբ է արքայապետին իր փարիքի մասին. «...յոյժ ցաւագար մարմնով, եւ ի լուսոյ աչքս պակասեալ եւ ի պնդութենէ ձեռքս թուլացեալ դողայր. սոյնպէս եւ յայլոց յամենայն կարողութեանց փկարացեալ»⁶:

Այսպիսի Կրեդիտությունները բազում են, սակայն բերվածներն էլ, կարծում ենք, բարվար են եզրակացնելու համար, որ 1650-ական թվականներին Առաքել Դավրիժեցին բավական փարեց էր եւ պարմությունն սկսելիս նա իրավացիորեն կարող էր գանգաւորել ու փարիքը պարճառաբանելով՝ առաջարկված աշխատանքից հրաժարվել, իսկ ստանձնելուց հետո էլ շտապել, որպէսզի գործն անավարտ չմնա:

Թեպէտ Դավրիժեցին հպանցիկ արքայապետություններով օգնում է մոտավորապէս իր փարիքը պարզելուն, սակայն մի Կրեդիտությամբ փարակարծություն է առաջացնում: Նա իրեն ներկայացնում է Փիլիպպոս Աղբակեցի կաթողիկոսի (1633-1655 թթ.) աշակերտ. «... քեր Փիլիպպոս, ... որ էաք ձեռնասուն աշակերտ նորին», «... յաշակերտութենէ սոյն քեաննս Փիլիպպոսի կաթողիկոսի»⁷, ում մասին, սակայն, վկայում է, թէ մահացել է 63 փարեկանում՝ 1655 թվականին. «...եւ ինքն էր վաթսուն եւ երեք ամաց, յորժամ վախճանեցաւ»⁸: Աշակերտ լինելու մասին հիշատակում է նաեւ Դավրիժեցուն ճանաչող Նովհաննես Սարկավագը. «... Առաքեալ վարդապետին, նոյն Փիլիպպոս կաթողիկոսի աշակերտին...»⁹: Վկայություններից ակնհայտ է, որ պարմիչ վարդապետ-աշակերտը հասակակից է եղել պարմության պարվիրարի կաթողիկոս-ուսուցչին, մի հանգամանք, որն իրապէս փարակուսանք է հարուցում եւ դժկարեցնում է Դավրիժեցու փարիքը որոշելու մեր փորձը: Դավրիժեցու մոտ, սակայն, նշմարելի է մի իրողություն. աշակերտ-ուսուցիչ հարաբերությունը ոչ թէ ըստ փարիքի է, այլ ըստ նվիրապետական աստիճանակարգի՝ կաթողիկոս եւ վարդապետ հարաբերությամբ եւ վարդապետական գավազանի. «... սկսեալ ի Գօշ Մխիթարայ գաւազանան՝ որ իջանէ Էջմիածնի դասապունն»¹⁰:

1587-90 թթ. որպէս Դավրիժեցու ծննդյան մոտավոր թվականներ ընդունելով՝ բնավ հակված չենք այն ստույգ ու վերջնական համարելու, քանզի բացառված չէ, որ ապագայում այդ հարցի շուրջ ի հայտ կգան նոր փաստեր ու Կրեդիտություններ:

Սկզբնական շրջանում Առաքել Դավրիժեցու կենսագրության վերաբերյալ նյութեր հավաքելիս որեւէ աղբյուրում եւ նրան նվիրված ուսումնասիրություններում չհանդիպելով նրա

5 Անդ, էջ 503:

6 Անդ:

7 Անդ, էջ 327, 501:

8 Անդ, էջ 280:

9 «ԺԷ դարի հայերեն ձեռագրերի հիշատակարաններ», կազմեց Վ. Նակոբյան, հ. Գ, Երևան, 1984, էջ 212:

10 Դավրիժեցի, նշվ. աշխ., էջ 345:

ծնողների և հարազատների անունների հիշարարարությանը¹¹՝ հակված էինք այն մտքին, որ պարամությանը անձանոթ են դրանք: Սակայն Վազգեն Նակոբյանի աշխատասիրությամբ հրապարակված ԺԷ դարի հիշարարարանների Գ հատորում պահպանվել է Դավրիժեցու մի հիշարարարանը, որտեղ ինքն է հայտնում իր ընտանիքի անդամների անունները. «Այլ և ի Քրիստոս զմարմնաւոր ծնողքն մեր, զպապն իմ՝ զԽաչատուր և զմամն իմ՝ զՈստիանէն, զԳրիգորն և զԳուլումն՝ և զհայրն իմ և զմայրն իմ, և զեղբայրն իմ՝ զԿիրակոսն, որք են սոքա ննջեցեալք ի Տէր: Իսկ զկենդանիսն մեր՝ զաւագ եղբայրն իմ՝ զՄարտիրոս և զնորին որդիքն՝ զՄանուկն և զԽաչատուրն՝ և զկրտսեր եղբայրն իմ՝ զՆուրիջանն և զնորին որդիսն՝ զԳալուստն և զՓիլիպոսն,...»¹²:

Նամենարելով Վազգեն Նակոբյանի աշխատության հրապարակության թվականը (1984թ.) մեր ուսումնասիրած գրքերի հրապարակության թվականների հետ՝ տեսանք, որ վերոհիշյալ փաստը հայրնի չէր կարող լինել նրանց, քանի որ ուսումնասիրությունները գրվել էին 1984 թվականից շատ առաջ: Այսպիսով՝ Դավրիժեցու իսկ վկայությամբ, կարող ենք ասել, որ նա տան երկրորդ կամ երրորդ զավակն էր, քանի որ արդեն մահացած Կիրակոս եղբոր մասին, ինչպես մյուս երկու եղբայրների պարագային, չի ասում, թե նա որ երրորդն էր: Դավրիժեցու գերդաստանի հետագա ճակատագրի մասին ականավոր լեզվաբան Նրաչյա Աճառյանը նշում է. «Առաքել վարդապետի փունը և գերդաստանը մնում են մինչև այժմ Թաւրիզում (Ղալայի Ս. Աստուածածին եկեղեցու նրբանցքում) և կրում են «Պարմագրեան» ազգանունը»¹³:

Պարզած լինելով Դավրիժեցու ծննդյան, ծնողների և հարազատների հետ կապված հարցերը՝ փորձենք ժամանակակիցների մոտ ցրված և իր իսկ հաղորդած պարահական տեղեկություններից օգտվելով՝ ներկայացնել այն քիչը, որը հայրնի է նրա հոգեւոր կյանքից, քանի որ հաճախ երկարաբանող և դեպքերը մանրամասնություններով ներկայացնող Դավրիժեցին իր մասին սակավախոս է:

Ճգնասեր, գրչությանը նվիրված, ուսանելու և ուսուցանելու անսահման սիրով համակված մի անձնավորություն էր, հակառակ որ իր մասին պարսավանքով է խոսում. «... ինձ նուաստի և տկարի և չանարդի բանի սպասաւորի Առաքեալ կոչելոյ», «նուաստ և տրուպս»¹⁴: Իր իսկ վկայությամբ՝ եղել է Էջմիածնի միաբան, որտեղ ուսանել և անցկացրել է կյանքի մեծ մասը. «գոյով ... ի միաբանութենէ լուսակառոյց աթոռոյն սրբոյ Էջմիածնի, որ և աստէն իսկ սնեալ և վարժեալ և յաւորս ծերութեան ժամանեալ...»¹⁵, մահվանից հետո էլ իր իսկ կամքով թաղվել Էջմիածնի միաբանական գերեզմանատանը. «նաեւ ակն ունիմ զի ընդ հովանեաւ սորին ամփոփել ի հող, զի թերեւս որ ի սմա խորհրդակարարութեանցն լինիցիմ հաղորդեալ»¹⁶:

Իսկ թե ինչպե՞ս և ի՞նչ պայմաններում է հայտնվել Էջմիածնում, հայրնի չէ:

11 Տե՛ս Լ. Դանեղյան, Առաքել Դավրիժեցու երկը որպէս Սեֆյան Իրանի XVII դարի պարամության սկզբնաղբյուր, Երևան, 1978, էջ 12. Մ. Արեղյան, նշվ. աշխ., էջ 513:

12 Վ. Նակոբյան, նշվ. աշխ., էջ 872:

13 Ն. Աճառյան, Նայոց անձնանունների բառարան, հ. Ա, Երևան, 1942, էջ 216:

14 Անդ, էջ 409, 501

15 Դավրիժեցի, նշվ. աշխ., էջ 501:

16 Անդ:

Այդ մասին առաջին տեղեկությունը կապված է Մելքիսեթ վարդապետ Վժանեցու անվան հետ, որին Մովսես Տաթևացի Կաթողիկոսը (1629-1633 թթ.) մոտավորապես 1630 թ. Էջմիածին էր հրավիրել դասավանդելու: Պատմիչը մեծ հիացումով է ակնադրեսի անմիջականությամբ է խոսում Վժանեցու և նրա դասախոսությունների մասին. «... իբրեւ գյորձանս ուղիսից եւ հեղեղաց ընթանայր բանն ի բերանոյ նորա, յորոյ իմաստութիւնն ամենեքեան ապուշ եղեալ՝ հիանային եւ բաղձային»¹⁷, Վժանեցու շնչի տակ էլ ձեւավորվել են նրա աստվածաբանական և փիլիսոփայական հայացքները: Այսպիսով՝ Առաքել Դավրիժեցին 1630 թ. արդեն Սուրբ Էջմիածնում էր: Էջմիածնի վանական դպրոցն ավարտած, Մելքիսեթ Վժանեցու մոտ կրթված, Փիլիպպոս Կաթողիկոսի «աշակերտ» և «ձեռնասուն» Դավրիժեցին ձեռք է բերում իմաստուն և գիտուն վարդապետի համբավ, դառնում բազմավաստակ ուսուցիչ և շուտով ունենում իր աշակերտները: Մի ձեռագիր քարոզգրքում, որի ստացողն Առաքել Դավրիժեցին է, պահպանվել է 1681 թ. մի հիշատակագրություն, որի հեղինակը Դավրիժեցու աշակերտ Ղազար վարդապետ Թավրիզեցին է: Նա գովերգում է իր ուսուցչին՝ նրան կոչելով «երջանիկ թաթունապետն եւ վերջին պատմագիրն...»¹⁸, որը վկայում է նրա ուսուցիչ, ինչպես նաեւ վերջին պատմագիր լինելու ընդունված կարծիքի մասին:

Էջմիածնում գտնվելու տարիներին թե՛ իր, թե՛ ուսումնական ընկերների օգտագործման համար բազում դասագրքեր է պատրաստել ու պատվիրել: Դեռ Պատմության համար նյութեր հավաքելու տարիներին նա Ղրիմում Նովհաննես Սարկավագին պատվիրում է ընդօրինակել մի իմաստասիրական ժողովածու իր և հաջորդ սերունդների համար. «...գտնիւրիս արտաքին գրոյս, որ ունի գումարեալ յինքեան գյուղով իմաստասիրաց զբազմահանճար գիտութիւնս»¹⁹: Էջմիածնում Նովհաննես դպիրը և Ավետիք գրիչը 1648 թ. մի ձեռագիր են ավարտում նրա իսկ պատվերով. «Արդ՝ վերջինս ի բանասիրաց... Առաքեալ անուամբ եւեթ վարդապետ... ետու գրել զԳիրքս Նոգոց եւ Նրեշտակաց, նաեւ Մեկնութիւն Արարածոց գրոց, հաւաքելով ի մի տուփ, առ ի վարժումն եւ յօգուտ բանասէր եղբարց»²⁰, իսկ այս տողերից փոքր-ինչ հետո խնդրում է հիշել նաեւ «գիտելոր եւ զմարմնատր աշխատատրսն իմ»: Սա եւս մեկ ապացույց է, որ Դավրիժեցին վաղուց արդեն իր շուրջն ուներ աշակերտների մի փոքր խումբ, որի մեջ ընդգրկված էին նաեւ Նովհաննես դպիրն ու Ավետիք գրիչը: Մի ուրիշ դեպքում Դավրիժեցին անձամբ է հիշում իր աշակերտ Վարդան Մակվեցուն. «եւ իմ աշակերտ Մակուեցի Վարդան»²¹, իսկ մի այլ տեղ՝ «մանաւանդ Վարդան սարկավագին՝ հոգեւոր որդեկին իմ եւ աշակերտին...»²²: Վարդան Մակվեցու մասին իմանում ենք նաեւ Դավրիժեցու պատվիրած քարոզգրքի հիշատակարանից, որի պատրաստման համար Վարդանը բազմակողմանի աշխատանք էր կատարել: Ենթադրելի է, որ մեկ այլ հիշատակարանի հեղինակներ Սահակ եւ Աթանաս սարկավագները նույնպես եղել են Դավրիժեցու աշակերտները, քանի որ նրանք Վարդանի ուսումնական ընկերներն են ²³: Նիշյալ Աթանաս սարկավա-

17 Անդ, էջ 316:

18 Վ. Նակոբյան, նշվ. աշխ., էջ 871:

19 Անդ, էջ 211:

20 Անդ, էջ 278:

21 Դավրիժեցի, նշվ. աշխ., էջ 345:

22 Վ. Նակոբյան, նշվ. աշխ., էջ 872:

23 Անդ, էջ 142-143:

գը Դավրիժեցու Պապմության ընդօրինակողներից մեկն էր նաեւ, որին Պապմության 1896 թ. հրապարակիչը շփոթել է Ավերիս գրչի հետ²⁴:

Ժամանակակիցները հիացնունքով են խոսել Դավրիժեցու մասին եւ նրան միշտ դասել են ժամանակի հայրնի եւ կրթված վարդապետների շարքը: Դավիթ Բաղիշեցին իր «Ժամանակագրության» մեջ հիշում է 1655 թ. Նակոբ Դ Զուղայեցի Կաթողիկոսի օրոք (1655-1680 թթ.) Էջմիածնում գրնվող յոթ այնպիսի վարդապետների, ովքեր եղել են «... սիւնք եկեղեցոյ եւ անօթք հոգոյն սրբոյ, անյաղթ փիլիսոփայք...», որոնց թվում է նաեւ «Առաքել վարդապետ պապմագիրը»²⁵: Ուշագրավ է, որ դեռեւս 1655 թվականին, երբ Դավրիժեցին պապմությունը չէր ավարտել, ավելին, նույնիսկ դադարեցրել էր գրելը Փիլիպպոս Կաթողիկոսի մահվան պատճառով, Բաղիշեցին նրան արդեն պապմագիր է անվանում, որը վկայում է, որ Դավրիժեցին «Պապմություն»-ը գրելուց հետո չէ, որ դասվել է ժամանակի նշանավոր եւ հայրնի «եկեղեցու սյուների եւ անհաղթ փիլիսոփաների» շարքը, այլ մինչ այդ էլ նա հայրնի էր որպէս այդպիսին: Նենց այն փաստը, որ ժամանակակիցներից շատերը եւ հենց Փիլիպպոս ու Նակոբ Կաթողիկոսները նրան են հանձնարարում, անգամ պարտադրում պապմություն գրել, նշանակում է Դավրիժեցին արդեն ճանաչված էր որպէս մարենագիր:

Սրեփանոս Լեհացին, որին Բաղիշեցին հիշում է ի թիվս եկեղեցու յոթ սիւների եւ որն անձամբ ճանաչում էր Առաքել վարդապետին, մի հիշատակարանում Դավրիժեցու մասին գրում է. «... Զայնու ժամանակաւ բազումք էին երեւելիք վարդապետք, քաջաբանք, բանաստեղծք, աստուածային գրոց քաջ գիտունք եւ հմուտք, յորոց մի էր եւ Առաքեալ վարդապետն քաջ բաբունի եւ վիպասան, որ զժամանակագրութիւնս հայրապետաց եւ թագաւորաց գեղեցկայարմար բանիւք դրոշմեաց եւ իւր յիշատակ անջնջելի եթող»²⁶:

Սրեփանոս Լեհացու հիշյալ խոսքերը լոկ գովասանք չեն ուղղված Դավրիժեցու հասցեին: Ո՛չ, այն ամբողջությամբ իրականության արտացոլումն է եւ Դավրիժեցի վարդապետ-պապմիչի գիտական հնարավորությունների ճշգրիտ բնորոշումը: Իրոք, Դավրիժեցին եւ՛ երեւելի վարդապետ էր, եւ՛ քաջաբան էր, եւ՛ բանաստեղծ էր, եւ՛ աստվածային գրերի քաջ գիտակ էր, որի լավագույն ապացույցը նրա «Գիրք պապմութեանցն» է:

Բաղիշեցու եւ Սրեփանոս Լեհացու կարծիքին է նաեւ Զաքարիա Քանաքեոցին, որի վկայությամբ միաբանության բանիմաց վարդապետներից էր «Թարիզեցի Առաքեալ վարդապետն՝ որ տեղեակ էր ամենայն պապմագրաց, որ եւ արար զպապմութիւնս աներման աշխարհիս Արարապեան ի մեծ Շահ-Աբասէն»²⁷: Շատ տեղին է Զաքարիայի «տեղեակ էր ամենայն պապմագրաց» արտահայտությունը, որը մեկ անգամ եւս ապացուցում է Դավրիժեցու՝ հայրենի պապմագրությանը քաջատեղյակ ու հմուտ լինելը:

Առաքել Դավրիժեցու գործունեությունն ու եկեղեցական ծառայությունը, սակայն, միայն այսքանով չեն սահմանափակվում:

Զաքարիա Քանաքեոցու «Պապմագրության»՝ Մարենադարանում պահպանված մի

24 Տե՛ս Ն. Միրզոյան, Առաքել Դավրիժեցու Պապմության առաջին հրապարակության մասին, «Բանբեր Երևանի Նամախարանի», 1971, թիվ 2, էջ 190:

25 Վ. Նակոբյան, Մանր ժամանակագրություններ XIII-XVIII դդ, հ. II, Երևան, 1956, էջ 361:

26 Յ. Տաշեան, Ցուցակ հայերէն ձեռագրաց Մարենադարանին Մխիթարեանց ի Վիեննա, Վիեննա, 1895, էջ 716:

27 Զաքարիա Սարկավագ, նշվ. աշխ., էջ 4:

ձեռագրից իմանում ենք, որ Դավրիժեցին 1636-37թթ. եղել է Նովհաննավանքի վանահայրը, որից հետո վերադարձել է Էջմիածին²⁸:

Իր կամ այլ գրիչների կողմից հաղորդվող հապուկենալ փեղեկություններ կան ցրված նաեւ հիշապարկարաններում: Օրինակ, 1659 թ. մի հիշապարկարանում նա հաղորդում է, որ վարդապետական եւ եպիսկոպոսության հոգեւոր աստիճաններն ստացել է Փիլիպպոս Կաթողիկոսից. «... փեր Փիլիպպոս Կաթողիկոսն սբ. Էջմիածնայ, որ սնուցեալ հասոյց ի յարբունս հասակի, եւ վեհագոյն պապոսոյ վարդապետութեան, եւ եպիսկոպոսութեան արժանացոյց զանարժանս...»²⁹: Նայարնի չէ, սակայն, թե երբ է վարդապետական աստիճան ստացել: Եպիսկոպոսական օծման մասին 1640 թվականի մի հիշապարկարանում այսպիսի փեղեկություն է պահպանված. «Յիշեցէք ի մաքրանուէր մաղթանս ձեր զստացող սորա զփեր **Առաքեալ սրբազնեալ քահանայն, որ եղել ի սոյն աւուր եպիսկոպոս...**»³⁰ (ընդգծ. մերն է- Մ.ա.Բ.): Նաշվի առնելով այն հանգամանքը, որ Էջմիածնի միաբանությունում այդ ժամանակ Առաքել Դավրիժեցուց բացի Առաքել անվամբ այլ հոգեւորականի չենք հանդիպում, ինչպես նաեւ, որ Առաքել Դավրիժեցին իր սովորության համաձայն «սրանում է նաեւ այս գիրքը»՝ կարող ենք եզրակացնել, որ հիշյալ նորած եպիսկոպոսը հենց Դավրիժեցին է:

Պապմության մեջ ցրված կցկտուր խոսքերի հիման վրա կարող ենք ասել, որ նա բազում ճանապարհորդություններ է կատարել թե՛ որպես կաթողիկոսական նվիրակ եւ թե՛ որպես պապմության համար նյութ հավաքող բանահավաք պապմագիր: Այսպիսով՝ առաջին անգամ 1645 թ. Փիլիպպոս Աղբակեցու կողմից ուղարկվում է «ի գործ նուիրակութեան սուրբ Էջմիածնի յաշխարհն Յունաց»³¹, երկրորդ անգամ 1658 թ. Նակոբ Դ Ջուղայեցի Կաթողիկոսի կողմից է նվիրակության մեկնում, այս անգամ նախ հունաց կողմերը, ապա եւ Սպահան³²: Ներելով պապմությանը՝ պարզվում է, որ Դավրիժեցին եղել է Նախիջեւանում, Սեբաստիայում, Երուսաղեմում, Ամասիայում, Սպահանում, Ջուղայում, Նալեպում, եւ ինչպես ինքն է գրում. «Ի յովով երկիրս եւ յաշխարհս...»³³: Նապականշական է նաեւ Դավրիժեցու երկու անգամ, այն էլ փարբեր կաթողիկոսների կողմից Նայրապետական նվիրակի պաշտոնում հանդես գալը: Նայարնի է, որ կաթողիկոսների կողմից հիմնականում նվիրակ էին նշանակվում վստահելի, գիտուն եւ կարող հոգեւորականները, որոնք փարբեր փեղերում ներկայացնում էին Կաթողիկոսին եւ Սուրբ Էջմիածինը:

Այսպիսի ճանապարհորդություններն ապագա պապմիջի համար զուր չեն անցնում: Ընդհակառակը, այն ամենը, ինչ նա փեսել էր որպես հասարակ ճամփորդ, ուխտավոր եւ Նայրապետական նվիրակ, հերազայում դառնում են համակարգված ներկայացնելու, վերլուծությունների եւ եզրահանգումների կարոտ առար նյութ, որը պապմիջի գրչի փակ դառնում է «Գիրք պապմութեանց»:

Տասնմեկ փարիների հոգնապանջ աշխատանքն ու բազում դժբախտությունները չեն

28 Տեղեկությունը բաղված է Լ. Դանեղյանի նշված գործից, էջ 13:

29 Վ. Նակոբյան, նշվ. աշխ., հ. Գ, էջ 872:

30 Վ. Նակոբյան, Ա. Նովհաննիսյան, ԺԷ դարերի հայերեն ձեռագրերի հիշապարկարաններ, հ. Բ, Երևան, 1978, էջ 806:

31 Դավրիժեցի, նշվ. աշխ., էջ 327:

32 Տե՛ս անդ, էջ 186:

33 Անդ, էջ 502:

կասեցրել պապմհչի ջանքերը՝ ավարտին հասցնելու նվիրական գործը, որի համար չէր խնայում նույնիսկ սեփական միջոցները: Անգամ գրքի ավարտից հետո նա հոգացել է, որ այն քանիցս ընդօրինակվի: 1666 թվականին ընդօրինակված ձեռագրի հիշատակարանում կարդում ենք, որ այն գրվել է «ի մեծ թուականիս Հայոց ՌՃԺԵ... հոգաբարձութեամբ, ծախիւք եւ արդեամբք՝ Առաքեալ վարդապետի, որ է նոյն ինքն այս պապմագրքիս շինողն եւ արարողն, Թավրիզեցի Առաքեալ վարդապետն՝ որ վասն զօրինակն բազմացուցանելոյ եր գրել զայս գիրքս»³⁴:

Առաքել Դավրիժեցուց մեզ են հասել նաեւ մի քանի տաղեր. «Տաղ վասն մահրամայի...», «Տաղ անուշ եւ գեղեցկազան», որի սկզբնապատերը հոդում են «Առաքեալ» անունը³⁵:

34 Անդ, էջ 504:

35 Տե՛ս Ն. Անասյան, նշվ. աշխ., էջ 1152-53: